

Aktivnost Poslovnog udruženja

Od početka ove godine do danas osjetila se vrlo živa aktivnost poslovnog udruženja privrednih organizacija slatkovodnog ribarstva. Naime, u relativno kratkom roku upravni odbor udruženja sastao se na dvije svoje redovne sjednice. U istom razdoblju izvršni odbor se sastao također na dvije sjednice. Sjednicama je redovno prisustvovala velika većina izabranih predstavnika.

Na sjednici upravnog odbora održanoj u Zagrebu dana 31. I 1964. pretresen je i odobren završni račun za 1963. godinu, razriješen stari i izabran novi izvršni odbor poslovnog udruženja, sa predsjednikom i potpredsjednikom izvršnog i upravnog odbora poslovnog udruženja. Posebna pažnja posvećena je planu izvoza, prometa i troškovima poslovanja Biroa poslovnog udruženja. Na sjednici su izvršene i neke nadopune pravilnika o raspodjeli osobnih dohodaka, izabrane potrebne komisije, izvršeno primanje novih članova udruženja i raspravljeno pitanje održavanja međunarodnog simpozijuma o slatkovodnom ribarstvu.

Iz izvještaja o radu udruženja proizlazi da je udruženje uspjelo ne samo da realizira postavljeni plan, već da je postiglo i rekord u izvozu. Glavno težište rada udruženja u 1963. godini bilo je usmjerenost na:

- Realizaciju plana izvoza,
- Borbu za postizanje što povoljnijih cijena izvoznih artikala, te
- Organizaciju domaćeg tržišta i plasman ribe na domaćem tržištu.

Razumljivo, da sa postignutim uspjesima ne smijemo biti zadovoljni, jer kako je istaknuto na sjednici postoje mogućnosti još većeg izvoza. Na domaćem tržištu poduzete su mjere za njegovu organizaciju i pripreme za organizirani doček i plasman dolazeće povećane proizvodnje, koja iz godine u godinu sve više raste i ako ne onim tempom kako smo očekivali.

Pored organa upravljanja izvršnog i upravnog odbora, udruženje ima i svoje stalne sekcije i to:

- Sekcija za visinske vode,
- Sekcija za nizinske vode i
- Sekciju za ribnjačarstva.

Što se tiče poslova izvoza udruženje je dužno da vodi sve podatke kao i svako izvozno poduzeće. U tom smislu devizna inspekcija izvršila je pregled materijalno financijskog poslovanja. Pronađeno stanje je zadovoljavajuće, jer u 1963. godini nismo imali privrednih prestupa niti deviznih prekršaja.

Udruženje izdaje i stručni časopis »Ribarstvo Jugoslavije«. Časopis izlazi u 900 primjeraka. U njemu surađuju naši najjemenitiji ribarski stručnjaci, te ga pored čitalaca u zemlji koriste i ribarski stručnjaci mnogih zemalja svijeta.

Nakon usvojenog završnog računa izabran je novi izvršni odbor od devet članova. U izvršni odbor ušli su:

1. Livojević ing. Zlatko, predsjednik,
2. Petronijević Vlastimir, potpredsjednik,

te članovi

3. Baričić ing. Vjekoslav,
4. Bojčić ing. Cvjetan,
5. Drecun ing. Đorđe,
6. Flojhar ing. Zvonimir,
7. Malnar Josip,
8. Popić Pavle i
9. Radonić Brana.

U članstvo udruženja primljeni su i novi članovi:

1. Institut za zarazne i invazione bolesti Veterinarskog fakulteta, Zagreb,
2. Zavod za ribištvo, Ljubljana,
3. Zemljoradnička zadruga Bosut, Sremska Mitrovica,
4. Ribiška zveza Slovenije, Ljubljana, i
5. Ribarski kombinat »Delamaris«, Izola.

Sa ovim se broj članova poslovnog udruženja popeo na 38.

Poslovno udruženje organizira međunarodni simpozijum šaranskog ribnjačarstva i salmonidnog ribarstva. Simpozijum bi se održao najvjerojatnije u toku mjeseca septembra ove godine. Kako će u radu simpozijuma pored naših istaknutih stručnjaka uzeti učešća i stručnjaci iz ostalih zemalja, to će simpozijum prikazati stanje i dostignuća slatkovodnog ribarstva ne samo naše već i ostalih zemalja. Referati koji će se podnesti na simpozijumu

biti će prevedeni na službene jezike simpozijuma, a službeni jezici simpozijuma biti će srpskohrvatski, ruski i njemački.

Komisija za pripremu simpozijuma prihvatila je slijedeće teme:

1. Uzgoj cipala u našim šaranskim ribnjacima,
2. Mogućnost daljnjeg povećavanja produktivnosti ribnjaka uvođenjem dušičnih mineralnih gnojiva,
3. Limnološka ispitivanja akumulacije »Peruča« na rijeci Cetini,
4. Ribarsko biološko ispitivanje Vranskog jezera kod Biograda na moru i morfološke karakteristike i tempo rasta šarana Vranskog jezera,
5. Prilog poznavanju krvne slike šaranskih matice i utjecaj različitih krmnih smjesa na kvalitet mesa dvogodišnjeg šarana,
6. Daljnja istraživanja u postizanju visokih prinosa na šaranskom ribnjačarstvu,
7. Ekonomičnost i produktivnost na jugoslavenkim ciprinidnim ribnjacima,
3. Prilog proučavanju zarazne vodene bolesti šarana,
9. Novi pogledi na problematiku gnojenja šaranskih ribnjaka, te pokusno gnojenje nekih ribnjaka na ribnjačarstvima SRH,
10. Sastav masnih kiselina u neutralnoj masti šarana,
11. Djelovanje nekih depresora centralnog živčanog sustava i metabolizma na šarane,
12. Promet minerala u krvi šarana za vrijeme pojedinih faza uzgojnog procesa i o problemu etimologije i suzbijanja zarazne vodene bolesti šarana,
13. Tempo rasta šarana u intenzivnom uzgoju (pokusni objekt ribogojilišta Povotje),
14. Relativna plodnost ribnjačarskog šarana različitih sojeva na ribnjacima Jugoslavije, kao mjerilo i kriterijum u kolebljivoj produkciji mlada šarana,
15. Biološke osnove, tehnološka načela, mogućnosti ekonomičnost proizvodnje riba grabljivica u šaranskim ribnjacima Jugoslavije,
16. Prilog poznavanju naših endemičnih vrsta riba (neretvanska pastrmka mekousna),
17. Salmonidae Boračkog jezera,
18. Vještačka oplodnja i uzgoj lipljena,
19. Struktura populacije lipljena u rijekama Bosni i Plivi,
20. Dosadašnja iskustva na području ishrane šarana u ribnjacima u vezi sa kompleksnom problematikom intenziviranja proizvodnje,
21. Prilog poznavanju ishrane šarana,
22. O djelovanju metilpentidola i largaktila na kalifornijsku pastrmku i mogućnost njihove primjene pri manipulaciji i transportu,
23. Povećanje biljne komponente u ishrani kalifornijske pastrmke,
24. Trogodišnja iskustva industrijskog načina proizvodnje kalifornijske pastrmke,
25. Proces proizvodnje šaranskog mlada inkubacijom vještački oplodene ikre u Jugoslaviji,
26. Problem prodiranja skobalja u pastrmske vode,
27. Dosadašnja iskustva i metode korištenja malih nizinskih akumulacija u SRM,
28. Opiti ishrane kalifornijske pastrmke kompletnim industrijskim hranjivima (predhodno saopćenje).

Referenti su pozvani da pojedine referate dostave na poslovno udruženje najkasnije do 30. VI 1964. Pojedini referat može trajati od 10 do 12 minuta zbog obimnosti programa rada simpozijuma.

Popis tema inostranih stručnjaka biti će, naknadno objavljen.

Pero Pogrmilović